



Government Gazette

REPUBLIC OF SOUTH AFRICA
REPHABLIKI YA AFRIKA BORWA

Vol. 583 Cape Town, 27 January 2014 No. 37271
Kaapstad,

THE PRESIDENCY

No. 55 27 January 2014

It is hereby notified that the President has assented to the following Act, which is hereby published for general information:

Act No. 46 of 2013: Broad-Based Black Economic Empowerment Amendment Act, 2013

MOPRESIDENTE

No. 55 27 January 2014

Go itsisiwi fano gore Mopresidente o saennwe Molao o o latelang o o phasalediwang kitso ya botlhe fano:

No 46 wa 2013: Molao Phetolo wa Katoloso ya Nonotsha ya Ikonomi ya Bantsho wa, 2013



AIDS HELPLINE: 0800-0123-22 Prevention is the cure

PAPETLANA YA DINTLHA TSA TLHALOSO:

- [] Mafoko a a kwadilweng ka bontsho mo masakeng a bontsha mafoko a tlositsweng mo diphetogong tsa ga jaana.
- _____ Mafoko a a thadilweng fa tlase ka mola a bontsha mafoko a tsentsweng mo diphetogong tsa ga jaana..

(English text signed by the President)
(Assented to 23 January 2014)

MOLAO

Go fetola Molao wa Katoloso ya go Nonotsha Ikonomi ya Bantsho wa 2003, go akaretsa ditlhaloso tse di rileng le go fetola tse dingwe; go totobatsa tlhaloso; go tlamela ka moputso wa maloko a Khansele; go godisa kobamelo ya ditheo tsa puso le go matlafatsa tshakatsheko le thatlhobo ya kobamelo, go akaretsa go tlhamiwa ga maano a thotloetso go thusa dikgwebo tsa bantsho ka leano la katoloso ya go nonotsha ikonomi ya bantsho; go tlamela ka matla a go phimola kontraka kgotsa taolo; go tlhama Khomišene ya Katoloso ya go Nonotsha Ikonomi ya Bantsho go lebagana le kobamelo ya leano la katoloso ya nonotsho ya ikonomi ya bantsho; go tlamela Boto e Ikemetseng ya Taolo ya Boruni ka matla a go laola ditheo tsa katlanegiso; go tlamela ka ditatofatso le dikotlhao; le go tlamela ka merero e e maleba.

A O ATLENEGISIWE ke Palamente ya Repaboliki ya Aforika Borwa, ka mokgwa o o latelang:—

Go fetolwa ga karolo 1 ya Molao 53 wa 2003

1. Karolo 1 ya Molao wa Katoloso ya go Nonotsha Ikonomi ya Bantsho wa 2003 (yo o tthalosiwang fano jaaka Molao wa pele), wa fetolwa— 5
- (a) ka go kwala pele ga tlhaloso ya “batho bantsho” ditlhaloso tse di latelang: 5
- “**togamaano ya B-BBEE**’ go tthalosa kgwebelano ngwe le ngwe, tsamaiso, matsapa kgotsa leano lengwe le le amang kobamelo ya Molao o, kgotsa molao mongwe le mongwe yo o godisang matlafatso ya katoloso ya nonotsho ya ikonomi ya bantsho.”; 10
- motlhankedi wa netefaletso wa dikgwebo tsa B-BBEE**’ go bolela motho yo o dirang tiro ngwe le ngwe e e lebaganeng le netefaletso ya maemo a dikgwebo go ya ka netefaletso ya katoloso ya nonotsho ya ikonomi ya bantsho ya taolo ya, kgotsa e e netefaditsweng ke ajensi ya netefaletso ke, Morulaganyi wa Bothati jwa Netefaletso ya B-BBBEE; 15
- Bothati jwa Netefaletso ya Borulaganyi jwa Dikgwebo tsa B-BBEE**’ go bolela mokgatlo ho yo o tlhomilweng ke Tona boemong jwa netefaletso ya diajensi kgotsa katlanegiso ya netefaletso ya bothati jwa B-BBEE.” 15
- (b) ka go kwala boemong jwa tlhaloso ya “batho bantsho” tlhaloso e e latelang: 20
- “**batho bantsho**’ ke lereo le le tlwaelegileng le le tthalosang maAforika, Bammala, le MaIndia—
- (a) bao e leng baagi ba Repaboliki ya Aforika Borwa ka go tsalwa; kgotsa ka lotso; kgotsa

- (b) bao e leng baagi ba Repaboliki ya Aferika Borwa ka go dula semolao—
- (i) pele ga 27 Moranang 1994; kgotsa
 - (ii) ka di kgotsa morago ga 27 Moranang 1994 le bao ne ba le tshwanelo ya go amogela boagi ka tlhologo pele ga letlha leo;”;
- (c) ka go kwala boemong jwa tlhaloso ya “katoloso ya nonotsho ya ikonomi ya bantsho” ka tlhaloso e e latelang:
- “**‘matlafatso ya katoloso ya nonotsho ya ikonomi ya bantsho’** go bolela ntshetsopele ya katoloso ya ikonomi ya batho bantsho botlhe [**go akarediwa**], segolo jaang bomme, badiri, bašwa, batho ba bakgwetlhegileng le ba ba dulang mo metse magae, ka maano a a farologaneng a kgolagano ya katlatleloloago le moruo, ao a akaretsang mme a sa lebaganyang fela le—
- (a) koketso ya palo ya bolaodi le boeteledipele le dithoto tsa ntshetsopele ya batho bantsho;
 - (b) ketelopele ya go nna mongwa kgwebo le molaodi le dithoto tsa tlhagiso ke baagi, badiri, dikgwebo-kgolagano le dikgwebo dingwe tsa kopanelo;
 - (c) tlhabololo ya badiri le bokgoni;
 - (d) go bona kemedi e e lekanang mo magatong otlhe a tiro le maemo a badiri;
 - (e) go aba ditirelo ka go tlhopa mabaka go tswa go dikgwebo tsa bantsho kgotsa tse di laolwang ke bantsho, go akarediwa kgodiso ya kabelo ya dithoto tsa kgaolo; le
 - (f) go dira peeletsa mo dikgwebong tsa bantsho kgotsa dikgwebo tse di laolwang ke bantsho;”;
- (d) ka go kwala morago ga tlhaloso ya “Khansela” tlhaloso e e latelang: **‘Khomišene’** go bolela Khomišene ya Katoloso ya Nonotsho ya Ikonomi ya Bantsho e e tlhomilweng go ya ka krolo 13B;”;
- (e) ka go kwala morago ga tlhaloso ya “Khansela” tlhaloso e e latelang: **‘Lefapha’** go bolela Lefapha la Kgwebo le Indaseteri; **‘go itira motho yo monngwe’** go bolela kgwebelano, thulaganyo kgotsa tiro nngwe kgotsa e e nyatsang ka tlhamalalo kgotsa e se ka tlhamalalo kgotsa e e kgoreletsang diphitlhelelo tsa maikaelelo a Molao o, kgotsa tiragatso ya taelo ngwe le ngwe ya Molao o, go akarediwa mme eseng fela mekgwa e e lebaganeng le Togamaano ya B-BBEE—
- (a) fa bantsho ba ba thapilweng ke kgwebo ba kgorelediwa kgotsa ba thibelwa go tsaya karolo mo ditirong tse di bothokwa tsa kgwebo;
 - (b) fa bantsho ba sa amogele tekanyetso ya tshwanelo ya moruo o o tlhalositsweng mo di tokomaneng tsa semolao go tsamaelana le seemo sa kgwebo go ya ka togamaano ya katoloso ya nonotsho ya ikonomi ya bantsho;
 - (c) kamano ya kgolagano ya semolao le motho montsho ka maikaelelo a gore kgwebo eo e fitlhelela seemo se se rileng sa togamaano ya katoloso ya nonotsho ya ikonomi ya bantsho ntle le go abela motho yoo amegang ditshwanelo tse di maleba go tsamaelana le maemo kgotsa tiro ya motho montsho yoo; Kgotsa
 - (d) kamano e e amang tumelano le kgwebo e ngwe ka maikaelelo a go fitlhelela kgotsa matlafatsa seemo sa katoloso ya nonotsho ya ikonomi ya bantsho ka fa tlase ga mabaka a a latelang—
 - (i) fa go na le maparego a masisi, a sephiri kgotsa a totobetse ka ga lotso la batlamedi, baabi ba ditirelo, badirisi kgotsa bareki;
 - (ii) fa tlhokomelo ya tsamaiso kgwebo e bonagala e sa lolama, fa go elwa tlhoko di diriswa tse di leng teng;
 - (iii) fa dipeelo le mabaka a ne a sa tlhaloswa ka botlalo, ka mokgwa wa tolamo le nnete;
- ‘ka kitso’, ‘ka go itse’ kgotsa ‘wa itse’,** e dirisiwa mabapi le motho, le mabapi le morero o o rileng, go bolela fa motho yoo a—

- (a) na le kitso ka ga morero oo; kgotsa
- (b) ka ntlha ya maemo a gagwe a tshwanetse go bo a itse—
- (i) o ne a na le kitso e totobetseng;
- (ii) dipatlisiso tsa morero di ne di tla tlamela motho yo o ka kitso e totobetseng; kgotsa
- (iii) go tsaya dikgato dingwe, tse fa di ka bo di tseilwe, di ka bo di tlametse motho yoo ka kitso e e totobetseng ka ga morero o;”;
- (f) ka go kwala morago ga tlhaloso ya “setheo sa puso” tlhaloso e e latelang: “**‘lefelo’** go akaretsa lefatshe, kgotsa kago ngwe le ngwe, sebopego, koloi, sekepe, mokoro, sefofane kgotsa motemo;”;
- (g) ka go kwala morago ga tlhaloso ya “setheo sa bosetšhaba” tlhaloso e e latelang: “**‘makala a ditšhata’** go bolela tlhabololo ya makala a ditšhata tse di tlhalositsweng mo karolo 9 ya Molao o;”.

Go fetolwa ga karolo 2 ya Molao 53 wa 2003

2. Karolo 2 ya Molao wa pele ya fetolwa—
- (a) ka go kwala boemong jwa temana (f) temana e e latelang: “(f) matlafatso ya baagi ba metse magae le ba dikgaolo ka go netefatsa phitlhelelo ya ditiro tsa ikonomi, lefatshe, mafaratlhatlha, bong le bokgoni; **[le]**”;
- (b) ka go kwala mo temana (g) temana e e latelang: “(g) go godisa phitlhelelo ya matlole ke batho bantsho **[nonotsho ya ikonomi]** thuso ya go simolola kgwebo, dikgwebo potlana, dikgwebo tse di golang le dikgwebo tse dikgolo, dikgwebo-tlhakanelo le ba simolodi ba dikgwebo tsa bantsho, go akarediwa le dikgwebo tse di sa kwadisiwang; le”;
- (c) ka go tlaleletsa ka temana e e latelang: “(h) go oketsa botswerere jwa seabe sa ikonomi le dikgwebo tsa bantsho le taolo ya tsona, go akarediwa dikgwebo potlana, dikgwebo tse golang le dikgwebo tse dikgolo, dikgwebo-tlhakanelo le matlafatso ya bokgoni jwa tsona go fitlhelela thuso ya matlole le e eseng ya matlole.”.

Go fetolwa ga karolo 3 ya Molao 53 wa 2003

3. Karolo 3 ya Molao wa pele ya fetolwa—
- (a) ka go kwala boemong jwa temana (a) ka temana e e latelang: “(a) go diragatsa maikaelelo le le mabaka a yona; le”;
- (b) ka go tlaleletsa ka karolotlaleletso e e latelang, karolo ya ga jaana e tl nna karolotlaleletso (1): “(2) Fa go ka nna le kgotlhang ngwe le ngwe gare ga Molao o le molao mongwe le mongwe yo o dirisiwang, go tla dirisiwa Molao o, go fitlhela pele ga letlha la tshimologo ya Molao Phetolo wa Katoloso ya Nonotsho ya Ikonomi ya Bantsho wa 2013, go tla dirisiwa Molao ono, fa kgotlhang e ama morero yo o tlhalositsweng mo Molaong ono.”.

Go tsengwa karolo 8 ya Molao 53 wa 2003

4. Karolo e e latelang e kwalwa boemong jwa karolo 8 ya Molao wa pele:

“Meputso le tuelo ya ditshenyegelo

8. Maloko a khansela **[ga a kitla]** a tshwanetse go duelelwa ditirelo tsa bona go tsamaelana le ditaello tsa Melawana ya Matlole a Bosetšhaba le **[mme ba]** tshwanetse go duelelwa ditshenyegelo tsa bona tse di diragetseng fa ba ne ba dira tiro ya bona, go ya ka tlhomamiso ya Tona le tumelano ya Tona ya Matlole.”.

Go fetolwa ga karolo 9 ya Molao 53 wa 2003**5. Karolo 9 ya Molao wa pele ya fetolwa—**

- (a) ka go kwala karolotlaleletso (1) boemong jwa temana (e) ya temana e e latelang:

“(e) dikaelo boemong jwa batsayakarolo ba makala a a maleba a moruo go kwala ditshata tsa tlhabololo le dikhoutu tsa tsamaiso ya makala ka tolamo boemong jwa makala a tsona; le”;

- (b) ka go tlaleletsa ka dikarolotlaleletso tse di latelang:

“(6) Fa a kopiwa go dira jaalo, Tona e ka letlelela ditheo tsa puso kgotsa ditheo tsa bosetshaba go tlhalosa dintlha tsa kabo ya ditirelo le ditirelo tse dingwe tsa ikonomi tse di gaisang tse di tlhalositsweng ke Tona mo karolotlaleletso (1).

(7) Khoutu ya maitshwaro a siameng e tla dula e le tirisong go fitlhela e fetolwa, go kwadiwa e ngwe kgotsa e phimolwa.”.

Go fetolwa ga karolo 10 ya Molao 53 wa 2003**6. Karolo e e latelang e kwadiwa boemong jwa karolotlaleletso 10 ya Molao wa pele:****“Maemo a dikhoutu tsa maitshwaro a siameng**

10. (1) Setheo sengwe le sengwe sa puso le setheo sa bosetshaba se tshwanetse go ela tlhoko go ya ka moo go kgonagalang, tiragatso ya khoutu ngwe le ngwe e e kwadilweng go ya ka Molao o—

- (a) go tlhomamisa dintlha tsa kamogelo boemong jwa kabo ya dilaesense, ditumelano tse di kgethegileng kgotsa tetla ngwe le ngwe mabapi le ditiro tsa moruo go ya ka molao mongwe le mongwe;
- (b) go tlhama le go diragatsa pholisi ya kamogelo ya ditirelo ka mabaka;
- (c) go tlhomamisa dintlha tsa kamogelo boemong jwa thekiso ya dikgwebo tsa puso; [le]
- (d) go tlhama mokgwa wa go dira dikgolagano le ditheo tsa poraefete; le
- (e) tlhomamiso ya mokgwa wa kabo ya dithotloetso, ketletso ya matlole, dikema tsa dipeeletso mabapi le matlafatso ya katoloso ya nonotsho ya ikonomi ya bantsho.

(2) (a) Tona, morago ga go buisana le dithaeo tse di maleba tsa puso kgotsa dikgwebo tsa baagi, e ka iletsa setheo sa puso kgotsa kgwebo ya baagi go obamela tlhokego ya karolotlaleletso (1) kgotsa go tetla ya go letlelela setheo go ikgatholosa dintlha tsa netefaletso kgotsa mabaka a amang setheo sa puso kgotsa kgwebo ya baagi e e tlhokang go ilelwa kgotsa go letlelelwa gore se ikgatholose mabaka.

(b) Tona e tshwanetse go phatlalatsa kitsiso ya kiletso kgotsa tetla ya go ikgatholosa mo Lekwalodikgang la Puso.”

(3) Go tsamaelana le karolo 9 (6), kgwebo ya lekala leo Tona e ntshitseng khoutu ya lekala ya maitshwaro a siameng go ya ka karolo 9, le tshwanetse fela go tlhatlhabiwa boemong jwa kobamelo ya ditlhokego tsa matlafatso ya katoloso ya nonotsho ya ikonomi ya bantsho go tsamaelana le khoutu eo.

(4) Dikgwebo tse di dirang mo lekaleng leo Tona e ntshitseng khoutu ya lekala go ya ka karolo 9, le tshwanetse go begela lekala la khansele ya lona ngwaga le ngwaga ka ga seemo sa bona sa kobamelo ya matlafatso ya katoloso ya nonotsho ya ikonomi ya bantsho.”.

Go fetolwa ga karolo 11 ya Molao 53 wa 2003**7. Karolo 11 ya Molao wa pele e fetolwa ka go tlaleletsa ka karolotlaleletso (2) boemong jwa temana (b) ya temana e e latelang:**

“(b) go tlhama polane ya matlole ya katoloso ya nonotsho ya ikonomi ya bantsho, go akarediwa thebolo ya dikema tsa thotloetso go thusa dikgwebo tse di dirang tsa bantsho le tse di laolwang ke bantsho;”.

Go kwalwa ga dikarolo 13A, 13B, 13C, 13D, 13E, 13F, 13G, 13H, 13I, 13J, 13K, 13L, 13M, 13N, 13O le 13P mo Molao 53 wa 2003

8. Dikarolo tse di latelang di kwadiwa mo Molaong wa pele morago ga karolo 13:

“Go phimolwa ga Kontraka kgotsa taelo

13A. Kontraka ngwe le ngwe kgotsa taelo e e ntshitsweng ka ntlha ya tshedimosetso e e fosagetseng ka bomo ke kgwebo kgotsa boemong jwa kgwebo mabapi le seemo sa yona saa katoloso ya nonotsho ya ikonomi ya bantsho e ka gogelwa morago ke setheo sa puso kgotsa setheo sa bosetšhaba ntle le kgethololo ya tshwepe epe kgatlhanong le setheo sa puso kgotsa setheo sa bosetšhaba.

Go tlhamiwa ga Khomišene le maemo a Katoloso ya Nonotsho ya Ikonomi ya Bantsho

13B. (1) Khomišene ya Katoloso ya Nonotsho ya Ikonomi ya Bantsho e tlhamiwa jaaka setheo sa kgwebelano ka fa tlase ga tsamaiso ya Lefapha.

(2) Khomišene e tla etelelwapele ke Mokomišenara yo o thapilweng ke Tona.

(3) Khomišene—

- (a) e nale matla go ralala Rephaboliki ka bophara;
- (b) gay a tshwanela go kgetha matlhakore, e bile e tshwanetse go dira tiro ya yona ntle le tshabo, lonya kgotsa kgethololo; gape
- (c) e tshwanetse go dira ditiro tse e diabetsweng go ya ka Molao o, kgotsa molao mongwe le mongwe—
 - (i) ka manontlhotlho le botswerere; le
 - (ii) go tsamaelana botho le mokgwa o o tlhalositsweng mo karolo 195 ya Molaotheo.

(4) Tona e ka tlhagisa ditaelo tsa mokgwa wa kakaretso, tse di tsamaelanang le Molao o, tse di tshwanetseng go diriwa ke Khomišene fa e dira tiro ya yona mme Khomišene e tshwanetse go itepatepanya le taelo ngwe le ngwe ya mofuta oo.

(5) Setheo sengwe le sengwe sa puso se tshwanetse go thusa Khomišene go diragatsa matla a yona le go dira tiro ya yona ka botswerere.

Go thapiwa ga Mokomišenara le Motlatsa Mokomišenara

13C. (1) (a) Tona e tshwanetse go thapa motho yo o na leng dirutwa le maitemogolo a a maleba jaaka Mokomišenara go dira paka e e sa feteng dingwaga di le tlhano.

(b) Fa go thapiwa Mokomišenara le Motlatsa Mokomišenara, Tona e tshwanetse go ikgolaganya le Komiti ya Tiro e e maleba ya Kokoano ya Bosetšhaba le Komiti ya Patlisiso ya Khansele ya Bosetšhaba ya Diporofense.

(2) Tona e ka thapa gape motho yo o, go dira paka e nngwe ya tlaleletso gape, jaaka Mokomišenara fa paka ya gagwe ya ntlha e fedile.

(3) Mokomišenara ke Motlhankedi-Kakaretso Mogolo wa Khomišene, gape ke yena yo o rweleng maikarabelo a tsamaiso ka kakaretso ya Khomišene le tiragatso ta tiro ngwe le ngwe ya yona go ya ka Molao o, e bile o tshwanetse—

- (a) go dira ditiro tse di abetsweng Khomišene ka Molao kgotsa go ya ka Molao o;
- (b) go laola le go ntshetsapele ditiro tsa Khomišene; le
- (c) go laola badiri ba Khomišene .

(4) Go ya ka dipuisano gare ga Tona le Tona ya Matlole, Tona e tshwanetse go tlhomamisa moputso wa Mokomišenara, allawanse, ditshwanelo , le dipeelo le mabaka a mangwe a tiro.

(5) Mokomišenara a ka rola marapo jaaka Mokomišenara ka go kwalela Tona kitsiso mo nakong ya dikgwedi di le tharo.

(6) Tona e ka tlogedisa Mokomišenara tiro ka ntlha ya—

- (a) maitshwaro a sa siamang a masisi;

- (b) koafalo ya leruri;
- (c) go ikamanya le tiro ngwe le ngwe e e ka nyatsang serodumo sa Khomišene kgotsa macmo a Khomišene; kgotsa
- (d) lebaka lengwe le lengwe le le utlwagalang go mametlela go tloswa ga Mokhomišenara. 5
- (7) Fa Mokomišenara le Motlatsa Mokomišenara ba sa kgone ka ntlha ye lebaka lengwe le lengwe ka nako e tshwanang go dira ditiro tse ba di filweng go ya ka Molao o, go tsamaelana le mabaka a tlhomamisitsweng ke Tona, Tona e ka thapa motho yo o maleba jaaka Mokomišenara wa Nama o tshwerwe. 10

Go thapiwa ga Motlatsa Mokomišenara le badiri ba Khomišene

- 13D.** (1) Go ya ka dipuisano tsa Mokomišenara le Tona, Mokomišenara o tshwanetse go thapa motho yo o na leng dirutwa le maitemogelo a maleba jaaka Motlatsa Mokomišenara go dira paka ya dingwaga di le tlhano. 15
- (2) Karolo 13C(2), (4), (5) le (6) di ama Motlatsa Mokomišenara dibuisiwa le diphetogo tse di tsamaelanang le bokao.
- (3) Motlatsa Mokomišenara o tshwanetse go dira tiro ya Khomišene nako ngwe le ngwe fa—
- (a) Khomišene e sa kgone go dira tiro ya yona ka ntlha ya lebaka lengwe; kgotsa 20
- (b) fa go nale phatlalano ya Mokomišenara.
- (4) Mokomišenara a ka—
- (a) thapa badiri ba ba nang le dikwalo tse di maleba e bile ba na le maitemogelo, kgotsa a ikgolaganya le batho ba bangwe go thusa Khomišene go dira tiro ya yona; le 25
- (b) go buisana le Tona, le Tona ya Matlole go tlhomamisa moputso, allawanse, ditshwanelo le dipeelo le mabaka mangwe a go thapiwa ga tokololo ngwe le ngwe ya badiri.

Matlole a Khomišene

- 13E.** (1) Khomišene e etlediwa ka matlole go tswa go— 30
- (a) tekanyetsokabo ya Palamente e e abelwang Khomišene; le
- (b) tšhelete e e amogelwang semolao go tswa go metswedi e menngwe.
- (2) Moruni Kakaretso o tshwanetse go tlathloba ditokomane tsotlhe tsa matlole a Khomišene ngwaga mongwe le mongwe.

Ditiro tsa Khomišene

- 13F.** (1) Ditiro tsa Khomišene ke— 35
- (a) go laola, lebelela le go godisa kobamelo ya Molao o, le go diragatsa dikgatlhegelo tsa baagi;
- (b) go matlafatsa le go mametlelela tirisano mmogo gare ga ditheo tsa baagi le ditheo tsa poraefete ka maikaelelo a go godisa le go sireletsa ponelopele ya katoloso ya nonotsho ya ikonomi ya bantsho; 40
- (c) go amogela dingongorego tebang le katoloso ya nonotsho ya ikonomi ya bantsho go tsamaelana le ditaelo tsa Molao o;
- (d) go dira dipatlisiso, ka go ithaopa ka boyona kgotsa go araba ngongorego e e amogetsweng tebang le katoloso ya nonotsho ya ikonomi ya bantsho; 45
- (e) go godisa kitso, phithelano ya ditšhono, manaane a thuto le maano a katoloso ya nonotsho ya ikonomi ya bantsho;
- (f) go boloka rejisetara ya leano la katoloso ya nonotsho ya ikonomi ya bantsho fa kgwebelano e feta selekanyo se se tlhomamisitsweng ke Tona ka kitsiso mo Lekwalodikgang la Puso; 50
- (g) go amogela le go sekaseka direpoto tse di tsamaelanang le katoloso ya nonotsho ya ikonomi ya bantsho e e tlhomamisang ditaelo tse di tshwanetseng go obamelwa ke ditheo tsa puso, ditheo tsa bosetšhaba le dikgwebo tsa makala a poraefete; 55

- (h) go godisa taolo e lolameng le maikarabelo ka go tlhola maemo mantle go rotloetsa kgodiso le tiragatso ka botswerere ya katoloso ya nonotsho ya ikonomi ya bantsho; le
- (i) go diragatsa dithata tse dingwe tse di seng kgatlhanong le Molao o, tse di abetsweng Khomišene ke Tona ka lekwalo. 5
- (2) Ngongorego e e tlhalositsweng mo karolotlaleletso (1)(c) le (d) e tshwanetse go kwadiwa—
- (a) mo forming e e tlhomamisitsweng; le
- (b) go romelwa ka bopaki jo bo tla tlhotlheletsang patlisiso ya Khomišene.
- (3) Khomišene e tshwanetse go oketsa kitso ya go farologana ga mabaka le matlafatso ya kitso ya baagi ka ga merero e amang katoloso ya nonotsho ya ikonomi ya bantsho, ka go— 10
- (a) diragatsa maano a thuto le tshedimosetso go tlhabolola kitso ya baagi ka ditaelo tsa Molao o, segolo jaang, le ntshetsopele ya maikaelelo a Molao o; 15
- (b) go tlamela baagi ka dikgakololo ka go—
- (i) tlhagisa dikitsiso tse di tlhalosong tsamaiso ya Khomišene;
- (ii) tlhagisa ditshwetso tse di sa gapeletseng go ya ka tlhaloso ya taelo ngwe le ngwe ya Molao o; kgotsa
- (iii) go dira kopo ya taelo go bega ka tlhaloso kgotsa tiragatso ya ditaelo tsa Molao o; 20
- (c) go dira dipatlisiso mabapi le ditaelo le ditiro tsa Khomišene, le go phatlalatsa dipholo tsa dipatlisiso gangwe le gape.
- (4) Khomišene e kgona go buisana le bothati bongwe le bongwe jwa taolo mabapi le mabaka a kgatlhagelo e tshwanang, ntle le go thibela tiriso e fa godimo, e ka— 25
- (a) refosanya ka tshedimosetso, le go amogela tshedimosetso go tswa go boto taolo ngwe le ngwe ka ga mabaka a kgatlhagelo e e tshwanang kgotsa ngongorego e rileng, kgotsa patlisiso;
- (b) tsayakarolo mo ditsamaisong tsa bothati bongwe le bongwe jwa taolo; le 30
- (c) go gakolola kgotsa go amogela kgakololo go tswa go bothati bongwe le bongwe jwa taolo.
- (5) Go sa nyatswe ditaelo tsa molao mongwe le mongwe, fa fela go tsamaelana le katlanegiso ya Tona, Mokhomišenara a ka dira tumelano le mongwe le mongwe, mokgatlho wa batho, kgotsa setheo sa puso, go akarediwa le lekala le le kgethegileng la dipatlisiso le le tlhomilweng go ya ka Molao wa *Special Investigating Units le Special Tribunals Act* wa 1996 (Molao No. 74 wa 1996), go dira ditiro ya yona go ya ka Molao o. 35

Pegelo

40

13G. (1) Makala otlhe a puso, ditheo tsa bosetšhaba le ditheo tsa puso di tshwanetse go bega ka ga go obamela ga tsona leano la katoloso ya nonotsho ya ikonomi ya bantsho le go dira direpoto ngwaga le ngwaga go tsamaelana le ditlhokego tsa Molao wa Bolaodi jwa Matlole a Bosetšhaba wa 1999 (Molao No. 1 wa 1999).

45

(2) Dikhampani tsoatlhe tsa baagi tse di kwadisitsweng mo *Johannesburg Stock Exchange* di tshwanetse go tlamela Khomišene ka mokgwa o o tlhalositsweng, repoto ya seemo sa tsona sa kobamelo ya togamaano ya katoloso ya nonotsho ya ikonomi ya bantsho.

(3) Bothati jwa Makala otlhe a Thuto le Katiso jo bo tlhalositsweng mo molaong wa *Skills Development Act* wa 1998 (Molao No. 97 wa 1998), bo tshwanetse go begela Khomišene ka ga ditshenyegelo tsa tlhabololo ya bokgoni le diporograma. 50

Taelo ya go dira tiro

13H. (1) Mokomišenara a ka laela mongwe le mongwe thata ngwe le ngwe kgotsa tiro ngwe le ngwe, go ya ka Molao o, mongwe le mongwe yo o na leng kitso le maitemogelo a a maleba kgotsa yo o golagantsweng le Khomišene go dira tiro ya yona. 55

(2) Go sa nyatswe ditaelotsa karotlaleletso (1), Khomišene ga ya tshwanela go laela matla a yona a a tthalositsweng mo karolo 13D(1) kgotsa (4).

(3) taelo ya tiro go ya ka karotlaleletso (1) e tshwanetse go kwadiwa—
(a) le go tsamaelana le lebaka kgotsa kiletso ngwe le ngwe e e tthomamisitsweng ke Mokomišenara;

(b) ga e thibele Mokomišenara go diragatsa dithata tse di maleba; e bile
(c) e ka gogelwa morago kgotsa e ka fetolwa ke Mokomišenara.

Dikomiti tsa bomaitsanape

13I. (1) Tona e ka tlhopa komiti e kgethegileng e le ngwe kgotsa dikomiti tse dikgethegileng go gakolola Khomišene ka taolo ya di diriswa tsa yona kgotsa tiragatso ya ditiro tsa yona.

(2) Tona e ka abela maloko a komiti e e kgethegileng dithata tse di rileng mabapi le tiragatso ya tiro ngwe le ngwe e e tthalositsweng mo karotlaleletso (1).

(3) Komiti e e kgethegileng e ka—

(a) tlhamiwa paka e e sa tthomamang kgotsa paka e e tthomamisitsweng ke Tona fa komiti e ne e tlhomiwa; e bile e

(b) kgona go tthomamisa tsamaiso ya yona.

(4) Komiti e e tthamilweng go ya ka karolo e, e tshwanetse—

(a) go dira tiro ya yona ka tolamo, ntle le tshabo, go reka sefatlhego kgotsa kgethololo; le

(b) e tshwanetse—

(i) go nna le batho ba ba sa feteng robedi ba ba se nang kamano le Khomišene, e bile ba tlhopilwe ke Tona paka e e sa feteng dingwaga di le tlhano; le

(ii) badiri ba ba olwane ba Khomišene ba ba sa feteng pedi ba ba tlhopilweng ke Khomišene.

(5) Leloko la komiti e kgethegileng le tshwanetse go—

(a) nna motho yo o siameng;

(b) nna le maitemogelo le bokgoni jo bo maleba; le

(c) nna le bokgwari jwa go dira ka manontlhotlho jaaka leloko la Khomišene.

(6) Maloko a komiti e e kgethegileng ga a tshwanela—

(a) go itshwara ka mokgwa o o kgatthanong le karotlaleletso 4(a);

(b) go baka maemo mangwe a a ka bakang kgonagalo ya kgotlhang gare ga maikarabelo a bona le kgatlhagelo ngwe le ngwe ya tšhelete; kgotsa

(c) go dirisa maemo a bona kgotsa tshedimosetso ngwe le ngwe e ba filweng go ikhumisa kgotsa gore motho mongwe a une molemo.

(7) Leloko la komiti e e kgethegileng le tlogela go nna leloko fa—

(a) motho yoo, a rola marapo jaaka leloko la komiti;

(b) Tona e gogela morago boloko jwa motho yoo ka gonne leloko le sa tlhole le itepatepanya le karotlaleletso (5) kgotsa le tlodile ditaelo tsa karotlaleletso (6); kgotsa

(c) paka ya leloko e fedile.

(8) Leloko la komiti e e kgethegileng le le na leng kgatlhagelo ka namana kgotsa ya tšhelete ka morero mongwe le mongwe yo o komiti e rweleng maikarabelo a go gakolola, leloko le tshwanetse go senola kgatlhagelo ya lona, e bile le tshwanetse go ikgogela morago mo ditsamaisong tsa komiti e e fa morero oo o sekasekwa.

(9) Khomišene e tshwanetse go putsa le go duelela ditshenyegelo tsa—

(a) leloko lengwe le lengwe le le tthalositsweng mo karolo (4)(b)(i), go ya ka tthaloso ya Tona; mme

(b) leloko le le tthalositsweng mo karolo (4)(b)(ii), fa fela moputso wa leloko le diallawanse jaaka modiri wa Khomišene di sa amane le tiro ya gagwe jaaka leloko la komiti e e kgethegileng.

Dipatlisiso tsa Khomišene

13J. (1) Go ya ka Molao o, Khomišene e na le dithata tsa go tsaya dikgato ka boyona kgotsa fa e amogetse ngongorego e e kwadilweng mo foromong

e e tlhopilweng go batlisisa ngongorego ngwe le ngwe e e amang tiragatso ya Molao, go akarediwa togamaano ngwe le ngwe ya B-BBEE kgotsa mofuta wa togamaano ya B-BBEE.

(2) Tsela le tsamaiso e e tshwanetseng go dirisiwa fa go dira patlisiso ngwe le ngwe e tshwanetse go tlhomamisiwa ke Khomišene ka go ela tlhoko mabaka a kgetsi ngwe le ngwe e bile go akarediwa le go tshwariwa ga kopano ya semmuso.

(3) Ntle le thibelo ya dithata tsa Khomišene, Khomišene e ka dira tlhomamiso fa tsamaiso ngwe le ngwe, togamaano ngwe le ngwe ya B-BBEE e akaretsa papatso ya kgwebo ka tsela e e seng yona .

(4) Khomišene e ka tlathhela kgetsi mo kgotlatshekelo go thibela go tlolo-molao ngwe le ngwe ya Molao o, go akarediwa le mokgwa mongwe le mongwe wa papatso ya kgwebo ka tsela e e seng yona kgotsa kamogelo ya thuso ya tshiamiso ya mabaka.

(5) Fa Khomišene e nagana gore morero mongwe yo o batlisiwang ke khomišene o ama khomišene ka bosenyi ka mokgwa mongwe, Khomišene e tshwanetse go romela morero oo, go Bothati jwa Bosetšhaba jwa Botshutshisi kgotsa lekala le le maleba la Ditirelo tsa Sepodisi sa Aforika Borwa.

(6) Fa Khomišene e dirile dipatlisiso ka ga morero mme go na le mabaka a utlwagalang, e ka romela kgetsi go—

(a) Ditirelo tsa Sepodisi sa Aforika Borwa e e amang maitshwaro kgotsa tiro e e ileditsweng kgotsa e e laolwang ke melawana ya taolo ya Tirelo eo; kgotsa

(b) bothati bongwe le bongwe jwa taolo mabapi le ngongorego ngwe le ngwe ka ga maitshwaro kgotsa tiro e e ileditsweng go ya ka melawana ya maikarabelo a bothati joo jwa taolo.

(7) (a) Khomišene e ka phatlalatsa tshwetso ngwe le ngwe kgotsa tshitsinyo e e dirilweng ya patlisiso ngwe le ngwe go tsamaelana le dikeletso tsa Khomišene.

(b) Tshwetso ya Khomišene go phatlalatsa tshwetso ngwe le ngwe kgotsa tshitsinyo e e dirilweng ke yona, gay a tshwanela go diragadiwe—

(i) pele ditsamaiso tsa tshekatsheko ya molao di konosediwa kgotsa fa di ne di sa begiwa mo nakong e e letleletsweng, ka moo ge;

(ii) fa Khomišene e rometse kgetsi go Bolaodi ba Botshutshisi ba Bosetšhaba kgotsa Sepodisi sa Aforika Borwa go ya ka karolotlaleletso (5), mme motho yo o amegang a ise a latofadiwe;

(iii) fa motho yo o amegang a latofaditswe mme a bonnwe a se molato ke khomišene; kgotsa

(iv) fa motho yo o amegang a bonnwe molato ke kgotlatshekelo ya molao go ya ka patlisiso ya Khomišene, mme katlholo e se e tlhaotlhabiwe ka magato otlhe a a letleletsweng a molao jaaka boipelaetso kgotsa tshekatsheko ka golagangwa le motho yoo a ka.

Disamone

13K. (1) Nako ngwe le ngwe fa Khomišene e dira dipatlisiso, Khomišene e ka ntsha samone mabapi le mongwe le mongwe yo go dumelwang fa a na le tshedimosetso ngwe ka ga morero yo o batlisisiwa kgotsa yo na leng buka kgotsa taolo ya buka, tokomane, kgotsa setlankana sengwe se se amanang morero oo, go—

(a) tlhagelela fa pele ga Khomišene go araba dipotso, mo lefelong le ka nako e e tlhalositsweng mo samoneng; kgotsa

(b) go romela kgotsa go tlhagisetsa Khomišene buka ngwe le ngwe, tokomane kgotsa setlankana se se tlhalositsweng mo temana (a) mo lefelong le ka nako e e tlhalositsweng mo samoneng.

(2) Samone e e tlhalositsweng mo karolotlaleletso (1)—

(a) e tshwanetse go saeniwa ke Mokhomišenara kgotsa modiri wa Khomišene yo o tlhopilweng ke Mokhomišenara; e bile

(b) e tshwanetse go rebolwa ka mokgwa o o tshwanang le wa *subpoena* (kwalo le le biletsang motho kwa kgotlatshekelo) mo kgetsing ya bosenyi le le ntshitsweng ke kgotlatshekelo ya magiseterata.

(3) Fa motho a biditswe ka samone go tlhagelela fa pele ga Khomišene, kgotsa a tshwanetse go bontsha Khomišene buka ngwe le ngwe, tokomane kgotsa setlankana, Mokhomišenara kgotsa modiri wa Khomišene yo o tlhopilweng ke Mokhomišenara a ka—

- (a) botsolotsa le go atlanegisa maikano, kgotsa a ka netefatsa tshepiso ya motho yo o umakilweng mo samoneng; mme 5
- (b) a ka boloka buka ngwe le ngwe, tokomane kgotsa setlankana sengwe le sengwe se se tshwanetseng go sekasekiwa mo pakeng e e sa feteng dikgwedi di le pedi kgotsa paka ya sebaka se se letleletsweng ke kgotlatshekelo ka mabaka. 10

(4) Motho yo o budiwang dipotso ke Khomišene o tshwanetse go araba potso ngwe le ngwe ka botshepegi le ka bokgoni jwa gagwe, le morôrô—

- (a) motho ga a gapelediwe go araba potso ngwe le ngwe fa karabo e amanya motho yoo le bosenyi; le 15
- (b) motho yo o botsang dipotso o tshwanetse go itsise paki ka ga tshwanelo e e tlhalositsweng mo temana (a). 15

(5) Ga go karabo epe e e amang motho le bosenyi e e builweng kgotsa seteitemente se se dirilweng ke motho ofe kapa ofe ngwe go Khomišene se se tla amogelwang mo kgotlatshekelo ngwe le ngwe kgatlhanong le motho yoo jaaka bopaki, ntle fela fa e le tsheko ya go bua maaka a ikanne kgotsa tsheko e e amang tshenolo ya tshedimisetso e fosagetseng, fa fela karabo kgotsa seteitemente se le botlhokwa go bontsha tatofatso. 20

Tshedimisetso ya sephiri

13L. (1) Fa motho a romela Khomišene tshedimisetso, motho yoo a ka bega fa tshedimisetso eo yotlhe kgotsa karolo ya tshedimisetso eo e le sephiri. 25

(2) Pego ngwe le ngwe e e tlhalositsweng mo karotlaleletso (1) e tshwanetse go patangwa le seteitemente se se tlhalosang mabaka a go reng tshedimisetso e le ya sephiri. 30

(3) Khomišene e tshwanetse go—

(a) sekaseka topo e e dirilweng go ya ka karotlaleletso (1); mme 30

(b) go dira tshwetso ka bonako jo bo kgonagalang ka sephiri sa tshedimisetso le phitlhelelo ya tshedimisetso eo le go tlhalosa mabaka a kwadilweng boemong jwa tshwetso eo. 35

(4) Motho yo o dirileng topo e e tlhalositsweng mo karotlaleletso (1) boemong jwa tshwetso e e dirilweng ke Khomišene, go ya ka karotlaleletso (3) a ka dira kopo go kgotlatshekelo gore e sekaseke tshwetso eo, mo nakong ya— 35

(a) matsatsi a 60 a kgotlatshekelo morago ga go amogela tshwetso; kgotsa 40

(b) go ya ka paka e tlhomamisitsweng ke kgotlatshekelo fa go nale mabaka a utlwagalang. 40

(5) fa Khomišene e dira tshwetso ya patlisiso e tshwanetse go ela tlhoko tshedimisetso ya sephiri. 45

(6) Fa go nale kgonagalo ya gore tshwetso ngwe, e ka senola tshedimisetso ya sephiri, Khomišene e tshwanetse go abela motho yo o dirileng topo ya tshedimisetso ya sephiri kgatiso ya tshwetso e e tshitsintsweng bonnye mo nakong ya matsatsi a le 30 a go dira pele mabaka a phatlaladiwa. 45

(7) motho a ka dira kopo ya taelo e e maleba go kgotlatshekelo go sireletsa tshedimisetso ya sephiri mo nakong ya matsatsi a le 14 a kgotlatshekelo morago ga go amogela kgatiso ya tshwetso e e tshitsintsweng go ya ka karotlaleletso (6). 50

Thulano ya dikgatlhagelo tsa badiri

13M. Mokomišenara, maloko a Komiti e e Kgethegileng, le mongwe le mongwe yo o tlhopilweng kgotsa golagantsweng ka kontraka go thusa Khomišene go dira tiro ya yona, ga a tshwanela go— 55

- (a) ikgolaganya le sepe se se tla nyatsang seriti sa Khomišene;
- (b) tsayakarolo mo patlisisong epe, tsheko, kgotsa tshwetso mabapi le morero o rileng fa motho yoo a nale kgatlhego ya tšhelete;

- (c) dirisa ka poraefete, kgotsa go una molemo go tswa go tshedimisetso ngwe le ngwe ya sephiri e e bonweng ka ntlha ya gore moyho yoo a direla Khomišene semmuso; kgotsa
- (d) senolela motho yo o sa amegeng tshedimisetso ngwe le ngwe e e tshalositsweng mo temana (c), ntle le fa go le botlhokwa, e bile go tsamaelana le tiro ya motho yoo ya semmuso ya Khomišene. 5

Ditatofatso malebana le Khomišene

- 13N.** (1) ke tlolo molao go senola tshedimisetso ngwe le ngwe ya sephiri malebana le merero ya motho mongwe e e utlwagetseng—
- (a) go dira tiro ngwe le ngwe go ya ka Molao o; kgotsa 10
- (b) ka ntlha ya go tthatlhela ngongorego go Khomišene, kgotsa go tsayakarolo mo tshetong ngwe go ya ka Molao o.
- (2) Karolotlaleletso (1) ga e ame tshedimisetso e e senotsweng—
- (a) boemong jwa tsamaiso e e lolameng kgotsa tiragatso ya molao o; 15
- (b) boemong jwa tsamaiso e e lolameng ya bosiamisi;
- (c) boemong jwa kopo ya Khomišene kgotsa kgotlatshekelo e e na leng matla a go amogela tshedimisetso; kgotsa
- (d) fa e le tshwanelo ya kgotlatshekelo ngwe le ngwe go dira jaalo go ya ka molao. 20
- (3) Motho o tlola molao fa a—
- (a) tshwenya, kgoreletsa kgotsa ka mokgwa o sa siamang a leka go tlotlheletsa Khomišene fa Khomišene e diragatsa matla kgotsa tiro ya yona go ya ka Molao o; 25
- (b) dira sengwe le sengwe ka natla go tlotlheletsa Khomišene ka mokgwa o sa siamang, mabapi le morero mongwe le mongwe yo amang fipatlisiso tsa Khomišene;
- (c) ka bomo a tlamela Khomišene ka tshedimisetso e fosagetseng;
- (d) ponelopele ya tshwetso ya Khomišene ka maikaelelo a go tlotlheletsa ditsamaiso kgotsa ditshwetso tsa Khomišene ka mokgwa o sa siamang; 30
- (e) dira sengwe le sengwe se se lebaganeng le dipatlisiso tsa Khomišene, go se se bontshang go nyatsa kgotlatshekelo fa ditsamaiso di ka bo di dirilwe mo kgotlatshekelo ya molao; kgotsa
- (f) gana go tsenela ditsamaiso tsa Khomišene morago ga go ntshediwa samone kgotsa morago ga go tsenela ditsamaiso, go gana go araba potso ngwe le ngwe kgotsa go tthagisa tokomane ngwe le ngwe go tsamaelana le tlokego ya disamone, ntle le tlhaloso ya karolo 13K(4)(a). 35

Ditatofatso tse dingwe le dikotlhao

- 13O.** (1) Motho o tlola molao fa motho yo ka bomo a— 40
- (a) itira kgotsa a leka go go dira maemo a kgwebo go tsamaelana le togamaano ya katoloso ya nonotsho ya ikonomi ya bantsho;
- (b) tlamela ka tshedimisetso e e fosagetseng kgotsa a fetola tshedimisetso ya motlhankedi wa netefaletso ya B-BBEE ka maikaelelo a go bona maemo a rileng go ya ka selekanyetso sa togamaano ya katoloso ya nonotsho ya ikonomi ya bantsho kgotsa ditshwanelo ngwe le ngwe e e tsamaelanang le kobamelo ya Molao o; 45
- (c) tlamela setheo sengwe le sengwe sa puso kgotsa setheo sa bosetšaba ka tshedimisetso e e fosagetseng kgotsa a fetola tshedimisetso e e botlhokwa mabapi le tshetshetso ya maemo a kgwebo go ya ka togamaano ya katoloso ya nonotsho ya ikonomi ya bantsho; kgotsa 50
- (d) a ikamanya le mekgwa ya go itira seo a seng sona.
- (2) Motlhankedi wa netefaletso wa dikgwebo tsa B-BBEE kgotsa motlhankedi mongwe le mongwe yo o rulaganyang ditirelo kgotsa motlhankedi mongwe wa setheo sa puso kgotsa setheo sa bosetšaba yo o lemogang tiragatso kgotsa maiteko mangwe le mangwe a a go dira tatofatso ngwe le ngwe e e tshalositsweng mo karolotlaleletso (1) le mororo a palelwa ke go begela setheo sengwe le sengwe sa tiragatso ya molao ka ga seo, o molato ka go tlola molao. 55

(3) Mongwe le mongwe yo o bonweng molato ka tatofatso go ya ka Molao o, o tla otlhaiwa—

(a) boemong jwa tatofatso ya karotlaleletso (1), tuelo ya tšhelete kgotsa kotlha ya kgolegelo ya paka e e sa feteng dingwaga di le 10 kgotsa dikotlha tšopedi tuelo ya tšhelete le kgolegelo kgotsa fa e le kgwebo tuelo ya tšhelete e e sa feteng diperesente di le 10 ya morokotso wa lotseno lwa ngwaga; kgotsa

(b) boemong jwa tatofatso ya karotlaleletso (2) le karolo 13N, tuelo ya tšhelete kgotsa kotlha ya kgolegelo ya paka e e sa feteng dikgwedi di le 12, kgotsa dikotlha tšopedi tuelo ya tšhelete le kgolegelo.

(4) mabapi le tlhomamiso ya tuelo ya tšhelete boemong jwa tatofatso e e dirilweng go tsamaelana le karotlaleletso (1) kgotlatshekelo e tshwanetse go ela tlhoko tlhwatlhwa e e amogetsweng kgotsa e e neng e tla amogelwa fa kgwebelano ya bosenyi e ka bo e weditse ka katlego.

(5) Kgotlatshekelo ngwe le ngwe e e boneng motho molato go ya ka karotlaleletso (3) tlolo molao e tshwanetse go begelwa—

(a) Bothati Jwa Netefaletso ya Borulaganyi jwa Dikgwebo tsa B-BBEE, fa motho yoo e le morulaganyi wa netefaletso ya dikgwebo tsa B-BBEE; le

(b) Ka mabaka mangwe go begela Khansela le mothapi wa motho yoo.

(6) Ntle ga lebaka lengwe le le kgatlhanong le molao mongwe, Kgotlatshekelo ya magiseterata e nale matla a go rebola katlholo ngwe le ngwe e e letleletsweng ke Molao oo.

Kiletso ya go gwebelana le ditheo tsa puso morago ga go bonwa molato go ya ka Molao ono

13P. (1) Mongwe le mongwe yo o bonweng a le molato ka ntlha ya Molao o, ga a tshwanela go nna le kgolaganyo ya kontraka kgotsa go dira kgwebo epe le ditheo tsa puso kgotsa tsa puso ya bosetšhaba paka ya dingwaga di le 10 go simolola ka letlha la katlholo, mme, ka ntlha ya lebaka leo o tshwanetse go kwadiwa mo rejisetareng ya batlola-molao ba dithendara e e tla bolokiwang ke Lefapha la Bosetšhaba la Matlole.

(2) Fa e le kgwebo e e bonweng molato, kgotlatshekelo e ka dira gore taelo e e tlhalositsweng mo karotlaleletso (1) e lebaganye fela le maloko, bakaedi kgotsa beng badišere ba ba tlodileng ditaelo tsa Molao o.”

Go kwalwa ga karolo 14 ya 53 wa 2003

9. Karolo e e latelang e kwadiwa boemong jwa karolo 14 ya Molao wa pele:

“Melawana, dikaelo le tlhaloso ya tsamaiso

14. (1) Tona e ka dira melawana mabapi le—

(a) morero mongwele mongwe yo o, kgotsa tshwanetseng go laelwa go ya ka Molao o;

(b) go begela khomišene dingongorego;

(c) thebolo ya dipatlisiso ke Khomišene;

(d) tshedimosetso e e tshwanetseng go tlamelwa Khomišene ke setheo sengwe le sengwe kgotsa setheo sa bosetšhaba, mokgwa le paka eo pego e tshwanetseng go diriwa ka yona;

(e) taelo ya go begela Khomišene ka kgwebelano yotlhe ya leano la katoloso ya nonotsho ya ikonomi ya bantsho e e fetileng selekanyo se se tlhalositsweng; le

(f) morero mongwe le mongwe kgotsa tsamaiso kgotsa morero wa taolo o o bothokwa go dira taelo [ka maikaelelo a go netefatsa] boemong jwa tiragatso le tsamaiso ya Molao o.

(2) Ka kitsiso mo Lokwalodikgang la Puso, Tona e ka rebola dikaelo le tsamaiso malebana le tlhaloso le tiragatso ya Molao o.”

Setlhogo se se khutshwane le tshimologo

10. (1) Molao o, o bidiwa Molao Phetolo wa Katoloso ya Nonotsha ya Ikonomi ya Bantsho, wa 2013.

(2) Ntle le karolo 3(b) Molao o, o tla tsengwa tirisong ka letlha le le tlhomamisitsweng ke Moporesidente ka kgoeletso mo Lokwalodikgang la Puso. 5

(3) Karolo 3(b) e tla tsengwa tirisong ngwaga o monosi morago ga letlha le le tlhomamisitsweng mo karotlaleletso (2).

(4) Fa go ka diragala gore Moporesidente a tlhomamise matlha a a farologaneng boemong jwa ditaelo tsa Molao o, karolo 3(b) e tla tsengwa tirisong ngwaga o monosi morago ga tshimologo ya karolo 3(a). 10